

### Ս Ա Ն Գ Ի Բ Ա Ր Ա Ն

Բժկերտից զէպի Հիւսիս, երեք քառորդ Փարսախ Հեռու, մի ընդարձակ կանաչագորգ դաշտի վրայ փուլած է հայաբնակ Սանգիբարանը. սա իր դիրքով Փէրիա գաւառի ամենագեղեցիկ գիւղերից մէկն է, որ ունի խիստ բանաստեղծական տեսք և զարգարւած է ուռնենիների, բարդիների ու կաղամախիների տնկարաններով, ծովանման կանաչ արտերով և արօտավայրերով, որոնք փուլած են նրա չորս կողմը: Գիւղի արևմտեան կողմից բղխում է Կէօլի առուն. սա հարուստ է սառնորակ ջրով, որ անցնում է գիւղի միջով և ոռոգում նրա արտերը. իսկ գիւղի արևելեան կողմը գտնւող դետից գոյանում է Մեծ առուն, որի ջուրը գործ են ածում ջրաղացների համար, ապա արտերն են ջրում:

Տեղացիները գաղթել են Հին—Ջուղայի Արցխա գիւղից 1606 թւին, Շահ-Աբբասի ձեռքով. նրանք բարձրահասակ են, բարի և հիւրասէր. այժմ բաղկացած են 225 տնից 1815 շնչով, որի 970-ը արական է, իսկ 845-ը իգական: Պարապում են գլխաւորապէս հողագործութեամբ:

Հողի մի մասը եկեղեցական է և մի մասը սեփական.\* հայերից 100 տուն միայն հողատէր են, իսկ մնացեալները հողազուրկ, որոնք վարում են Նոր—Ջուղայի Ս. Գրիգոր Լուսաւորիչ եկեղեցու և Նոյնպէս հողատէր գիւղացիների հողերը, որից ստացւած բերքի  $\frac{1}{3}$  մասը տալիս են նրանց, իսկ ամբողջ գիւղը պետական հարկ է վճարում 518 թուման, բացի այդ, հողազուրկները տարեկան տալիս են.

Մարդագլուխ	4 ղաան.	Ոչխարին	10 ղահի.
Կովին	2 »	Էշին	2 ղաան:

Հողը մեծ մասամբ ջրովի է. ցանում են ամեն տեսակ հացահատիկներ և այլ ցանովի խոտեր:

Կրթական գործն այստեղ բաւական մխիթարական է. ունի «Պօղոս Անդրէասեան» միդասեան—երկսեռ դպրոցը

\* Նոր—Ջուղայի Գուսանաց վանքն էլ հող ունի այդ գիւղի Բառֆանբարում: